



Inatsisartunut ilaasortaq Hr. Jens B. Frederiksen
/MAANI

Kalaallit Nunaata avannamut kitaani qalerallit 2.425 tonsit ag- guaanneqarsimanerat pillugit Naalakkersuisunut apeqqutit

Aallarniutigalugu aalajangiunneqassaaq qalerallit 2.425 tons pillugit suliaq suli ingerlammat.

Qalerallit pillugit siunnersuineq 2006-imut tunngatillugu qaffaavigineqarpoq Kalaallit Nunaannut tunngatillugu Avannamut Kitaani qaleralinnik 2.500 tonsinik. Nunanit allanit Rusland-imit isumaqatigiissutit pissutigalugit russinut immikkut 75 tons immi-kkoortinneqarput. Taamaalilluni 2.425 tons qalerallit immikkut Avannamut Kitaani agguaanneqartussanngorlutik.

Apeqqut 1

"Pisassiissummut taaneqartumut Naalakkersuisunit qinnuteqaatit qassit tiguneqarsimappat?"

Akissut

Aalajangersimasumik qinnuteqaatit 15-it takkupput. Taakku saniatigut Aalisarnerq pillugu Siunnersuisoqatigiit inassutigaat qaleralinnik pisassiissummut siunertaralugu aalisakkanik assigiinngitsunik aalisarsinnaasoqarsinnaaniassammat, ingerlatseqatigiiffiit qulingiluut (9) – taakkunannga ilaat aalajangersimasumik 15-init qinnuteqaateqarsimasuneersuupput.

Apeqqut 2

"Piumasaqaatinik qanoq ittunik Naalakkersuisut piumasaqaateqarsimappat pisassiissummik taaneqartumik agguaassilinnginnermi?"

Akissut

Aalisarnerq pillugu inatsimmi nalinginnaasumik piumasaqaataasut saniatigut nalilerneqarpoq, maannakkut umiarsuaatileqatigiiffiusut tamarmik naammaginarunik pisasaqartut. Taamaattumillu kissaatigineqarpoq avataasiarluni qaleralinniarnermi nutaanik peqataasoqalernissaa. Ilanngullugu angallat atorineqarsinnaasoq saqqummiunneqarsinnaasussaavoq. Matumani pineqarpoq angallat Avannamut

24.06.2006
01.22.02/FM2006
64.21/06
Postboks 1029
3900 Nuuk
Oq/tel +299 34 50 00
Fax +299 32 20 73
aapip@gh.gl
www.nanoq.gl

Kitaata imartaani avasissumi aalisarsinnaassuseqartooq qerinasuartitsisinnaassuseqartorlu.

Suliffissaqartitsiniarnermut eqqarsaatit taakkununga ilanngullugit tulaassisarneq qanorlu annertutigisumik suliareqqiisoqarsinnaanersoq annertuumik pingaartinneqarput, takuuk apeqqu 4.

Apeqqu 3

"Piumasaqaatigineqartunit sorliit aalisarsinnaanermut akuersissuteqartunit eqquutsinneqarsinnaappat ? Akissuteqaatikku takuneqarsinnaaqquneqarpoq, sooq aalisarsinnaanermut akuersissutaateqartutut taaneqartut qinnuteqartunit allanit pitsaanerusimanersut."

Akissut

Qinnuteqaatikku taaneqartukku annertuumik Kalaallit Nunaata avannamut kitaani najukkani aalisarneq pingaartinneqarpoq. Taamaasilluni kissaatigineqarluni Uummannaq aamma Upernaviup kommuniani inuussutissarsiornikkut ineriartornerup siuarsarneqarnissaa. Tamanna qinnuteqaateqartumit eqqarsaatigineqarpoq aningaasaateqarfimmik pilersitsinikkut, tassunga qalerallinnit pisassiissummit kaaviiartitanit 5-10 %-it akiliutigineqartartussaallutik. Aningaasaateqarfiup aningaasaatai agguanneqartartussaapput Uummannaq-Upernaviup kommuniini inuussutissarsiornikkut ineriartornermut iluaqutaasumik suliniutinut.

Qinnuteqaat Naalakkersuisunit ulloq 6. april 2006 isummerfigineqartooq Uummannaq kommunianit qinnuteqaateqarsimasuinnarnit imaqarpoq periarfissaqarlunilu Upernaviup kommunianit ingerlatseqatigiiffinnik qinnuteqaateqartunik 2-4-inik ilaneqarnissamut.

Apeqqu 4

"Aalisarsinnaanermut akuersissutaatillit qalerallit nunami aalisakkerivinnut tunisnaassavaat ? Naaggaartoqassappat, qalerallit pisarineqareernerisa kingorna taava suliareqqiisarneq qanoq ingerlanneqassava ?"

Akissut

Nalinginnaasumik qalerallit nunami aalisakkerivinni suliareqqinneqartarput tamakku angallammi erlavianeqarlutik sikulersorneqartarlutillu imaluunniit qerinasuartinneqartarlutik. Sikulersukkat Kalaallit Nunaanni suliffissuarnut tulaanneqartarput taakkunanilu niaquiarneqartarlutik. Taamaattut J-cut-inik taaneqartarput. Tamatum kingorna aalisagaq suliareqqitassanngorlugu nunatsinnit anninneqartarpoq assersuutigalugu Japan-imut. Naalakkersuisoqarfiup nalilersimavaa, amerlanerusunik suliffissaqartitsisoqarsinnaasoq qalerallit Nunatsinni nerpiartinneqarpat. Taamaasilluni piumasaqaataavoq qalerallit 100%-imik tulaanneqassasut 100%-millu nerpiarneqartassasut.

Maannakkorpiaq qinnuteqaateqarsimasut Naalakkersuisoqarfiullu akornanni oqaloqatigiittoqarpoq piumasaqaatinik naammassinniinnaanissaq pillugu.

Taamaattumik apeqqu annertunerusumik akissuteqarfigissallugu ajornakusoorpoq.

Apeqquut 5

" Qaleralitsigut pisassiissutiniq agguassineq aalisarsinnaanermut akuersis-sutaatilinnut taaneqartut aalajangiussineq Naalackersuisunit tamarmiusunit aalajangiiffigineqarpa, imaluunniit Naalackersuisut Siulittaasuata namminiivilluni aalajangiinerivaa ?"

Akissut

Naalackersuisunit aalajangiisoqarpoq. Matumani pineqanngilaq Siulittaasumit aalajangiineq.

Inussiarnersumik inuulluaqqusillunga

Finn Karlsen

Aalisarnermut, Piniarnermut Nunalerinermullu Naalackersuisoq